

莆变小乘 全

國朝莆變小乘

莆田陳鴻邦賢氏記

甲申年

明崇禎十七年
清順治元年

明懷宗帝崇禎甲申年正月十六日，李自成據秦府，僭國號大順，偽稱永昌元年，興兵犯闕。三月十九日，早懷宗殉國。遼東總兵吳三桂聞變，走入清朝乞師。廿六日，大破李賊。廿九日，賊卒衆南走。四月廿九日，群臣謀立懷宗弟名由松，建元宏光。都南京。五月初一日，皇清定鼎于北京。國號順治元年。十一月十七日，張獻忠據成都。僭國大西，僭元大順。時叛逆數十

處史不勝書其至大者惟李張二賊後皆大清所破
次年自成死于羅公山獻忠死于西蜀

乙酉年明宏光元年
清順治二年冬改為隆武元年

清朝兵下南京五月初十夜宏光帝出南京不知所
之十月鄭從龍全弟鴻逵迎宗室唐王入福州即皇
帝位修布政司為皇宮以福州為福宮改元隆武封
從龍兄弟俱為侯並其族弟為伯從龍子鄭森賜名
成功賜姓朱氏自後人稱國姓

丙戌年明隆武二年
清順治三年

李朝偉係莆禧所千戶陞任

福州差人拿問各館監旗保

少年為首大呼從者數百人

應逆命究竟無事又召朱

繼祚黃鳴俊俱為閣部鳴俊長子隨班朝見隆武君

問其名奏曰小名天復君喜曰此名兆天之復也命

為監軍督兵勤王在家招兵三百名令本府魯指揮

為將同統兵北上與各府並至浙江開化縣扎營沿

途騷擾與清兵對壘月餘忽一日烟霧蔽天清兵乘

霧來攻閩兵不知所措逃走不及被殺殆盡魯指揮

陣亡黃監軍逃回興兵十存一二而歸南洋鄉霸方

三當作杉

懷忠率數鄉農民蜂擁城下，聲稱田主取租不公，自古收租只秤加一，今則加二加三不止。分守道柴世埏登城面諭，即准出示，取租只許加一。世變官從民便，竟闕奉行。江西益王南下，從城外而過。金谿王全弟文昌王奔至福州，命駐仙遊。仙遊閉城不納，云曾傳一識。金谿飛來仙邑破，請王別駐。及仙邑破，知縣乃金谿人。金谿王兄弟俱有太監隨行，聞仙霞三關二處各有重兵保守，但新招之兵不諳征戰。九月，清朝王師征閩，兩處兵敗。隆武君至延平，不知所之。各官俱走回籍。鄭從龍兄弟亦回安海。鄭成功率部下十八人從海而走。王師入閩，不由

貝勒名博洛

張鎮老都督張
應元也

水路從山路出泉州至興化。又一枝兵先至福省。十月末旬。貝勒王統大兵至福州。秋毫無犯。召朱閣部黃閣部到省。隨命赴京。次年放歸。十二月。調都督張鎮守興化。

丁亥年 皇清一統順治四年

夏秋之交。山中海上有義旗之舉。山寇從俞潭而出。

各官招鄉兵三百名。設千總二員。督至華亭地方。與

賊對陣。被賊殺死過半。八月。巡按周世科

湖廣人

出巡

興化。知府胡允貢貪婪。周令家丁入府抄取贓物。將

允貢解省監候。調別府推官黎署府印。時山海搖動。

谷即穀

不寧速三字可刪

谷價日湧。城中富家，谷在鄉下山間，欲搬回，恐客兵
強買，不搬。又恐山海阻撿，周察院巡按泉州，聞警急
不寧，速回興化。百姓告投，米價日湧。察院即拘城中
米戶十餘人，各責杖刑，令速取米來糶。雖米店藉此
高抬，亦富室閉門。湧價與米戶何涉？竟米價不平。北
門兜米戶林一娘，責累死。龍坡鋪鄭川姐，因受責腿
壞，不能開鋪，剩谷三十餘石，未糶。至次年，每石糶銀
六兩，驟得二百餘金。九月，常太里鄉霸潘忠瓊，素
色當鋪甲，借明起義。于十七日，擁數百人，監旗松嶺
頂。後塘方族，此日祭墳，賊多方宅佃戶埋伏，守候，擒

潘忠瓊，首志作潘忠瓊

柯墩或係管墩
之吏者今作錦墩

戴加社蒲風清發集作

戴嘉社

鄭王臣蘭陔詩話戴士瑛

當朱佖詐攻城時結壯丁為

內應後為王士玉所害

數人斬首祭旗張都督懷疑不發兵追勦致賊勢愈
熾廿七日擁至北門外四度嶺西庚等處出城者多
被擒捉海上賊舡往來招兵不絕四方俱舉義旗
有一陣家扎南洋柯墩張督遣騎兵三千與步兵往勦
義兵詐退官兵下馬入室抄掠義兵驟回奪去戰馬
數十足殺死馬步兵數十人各官仝鄉紳議招鄉
兵捍禦令舉人邱夢斗戴加社知府陳臣忠子舜華
兵部侍郎彭汝楠子士煥字燦俱為監紀推官管掌
鄉兵察院令吏部鄭鳳來為監軍道時遊手之民極
多一招即三四百人每人方領米二升未經訓練次

黃穀以詩乾之云可馬
有賢免功成讓碧血
劉士瑛並非背叛祖國
之人何小乘所記之乃適
得其反

日即令出城禦賊被殺數十人傷回極多從此城門
緊閉夜令百姓守堞一堞一民一兵監之恐有內應
守堞民夫須日夜備酒餽與兵買好方得無虧此時
貧者有守至二三月飢寒死于堞邊者有苦累而死
者此時富者因租難運入城日夜僱人守堞又用酒
餽供督堞兵又拷納堞餉又取米供給兵糧又條鞭
加餉又設立守堞器械雖富者至此皆窮時堞依
明朝所編為縉紳甚多不甚公勻後隆生員陳某後
村富民林某因守堞受虧具狀赴察院請秉公再編
周院以變亂堞規各責杖仍重罰時閉城匝月百姓

飢餓甚慘，忽城外射書入城，各令官開門納降，恢復
明朝。城民訛傳賊來降，我欲開城門往城外覓食。東
廂一帶數百人擁至南門，覓各官俱在南門樓，見百
姓紛紛，張督因敗陣數番，又見山海猖獗，疑城民有
通賊之意，遣馬兵趕逐，百姓不散，有開刀之意。黎府
盛縣全跪稟曰：「百姓絕烟三日矣，紛紛因飢而來，非
他故也。」張督乃息差兵詐問百姓，如慮出城者可報
名來。龍坡舖江使人者賣烟為業，因閉城烟葉罕貴，
欲出城買烟，遂報為首名，共三十餘人。諭令暫回，瞬
息差兵拿問，俱欲處斬。黎盛二公百般勸解，令斬一

菟麻當係
枇杷之誤

半。二公苦求俱釋，張督令將首名割鼻示衆，餘准免。從此食物皆貴，米三分一筒，豆腐三分一斤，肉二錢一斤。城外冬稻方熟，遍野垂金，無人敢刈，以資賊餉。圍城已久，各官差人往省催取救兵，被賊獲殺不見。一回文時，四方俱舉義旗，面生寸步難行。城民久餓，百計謀食。小西湖蓮藕甚多，取食無餘。有掘芭蕉頭而食者，有撈水壅菜而食者，有採菟麻葉而食者。先將此葉煮滾，撈起切之，用水再煮，味如芥藍菜。有取水葫頭而食者。此物難食，入口大癢，難容。十一月初，米糶一錢一筒，大小麥同價，有銀無處買。一日，城兵

出城追賊，賊已遠去。四亭有農民四人，逃走不及，即捉來斬首，頭纔落地，四人之肉已被飢民刈盡。尚有骨帶些肉，後至者細剗而去。此後有人被斬者，瞬息只見其骨，亦有婦人來割者。有一二不甘坐斃，意城外覓食，乘間越城而出，遇兵以為謀反，受刑遇賊，以為奸細，盡殺。山海之賊，俱離城三四里屯扎。官兵將近城房屋，一概折毀，木料搬運入城為火柴。數千間民房，一旦作坵墟。賊多夜間攻城，天明即去。鄉村窮民，偶過郊原，城兵潛出擒捉，斬其手足，剝其衣服。從此城外之人被獲，不分民賊，用木棍一條，丈二

長埋一半于地中，一半削尖向上，將所獲之人衣服剝盡，兩人抬上，兩股扯開，谷口放木棍尖上，兩人一齊扼下，如揗燭一般，有穿脇下而出尖，亦有穿肩上而出尖者，生不得死，死不得，真可憐也。時呼此刑曰揗燭。又有將所獲之人，頭髮拴于柱子，先砍兩手，次砍兩足，後斬其頭，復碎其胸，又挾其肝，旋斷臍下，四分五裂，方快其心。逆刑皆張督之兵所創也。時城中老幼飢死、累死、苦死、疾病死、痘疹死者，極多。大小棺柩，權貯城門內曠處。俟城開，抬出，畧埋而急回。每門一出，有數十左右，亦有草薦裹者，用蓆包尸者，不

可勝數。城門一日一開，開只半時，仍塞半扇。原興
化遊擊楊耿，今為國姓部下，駐扎潭頭橋。國姓部下
曾六、曾七兄弟，駐扎蘆浦。材行林廿五使，駐扎北洋。
王師駐扎涵江。王似玉兄弟，駐扎南洋。潘忠瓊駐扎
西山常太里，尚有隨處不能悉記。城外鄉紳舉人各
招兵起義。閩部朱繼祚、吏部余颺、原遊擊李朝偉、舉
人劉元會、林尚奎，無論官職大小，俱名曰營官。閉城
兩月，攻城數次。一黑夜，賊至城下，以龍舟倒覆，抬至
城下，以抵城上木石，用火燒城門，竟不成事。楊耿連
日用大貢銃打進城中，銃子如錘，重四五斤，一發喇

喇有聲，打落屋上椽桁皆壞。涵江巨富姚伯睿，受海上都督招兵製器，大開衙門。有姻家游組侯寓城行醫，官府令說伯睿歸順。伯睿不與相見，即令斬首。馬峯蘇六哥住城後街，乃兄玉齊外間起義，偶獲一賊，稱玉齊部下。張督拘六哥，並本鋪保長鄭冲陵鋪左右鄰共四人，各用門扇板將人釘于板上，發鼓樓前示衆。冲陵肥胖難受，用銀買兵丁踢囊而死。鋪甲釘一日夜而死。左右鄰未死，黎盛二公苦勸釋放。醫治而愈。蘇六哥不在家，拿其子插燭，其妻走逃。黃轍家即拿二人，用竹鉗鉗口，遊街示衆。黎盛二公

稟稱軾轍乃德義生員蘇妻潛逃空室寔不知情准
釋放御史宋禎漳子祿姐係余吏部颺女婿周院
怒吏部起義將祿姐嚴夾痛責祿姐難當自縊而死
又布政陳玄藻子生員憲綰令僕寄書城外親眷被
兵所獲周院將憲綰釘門板而死陳布政尚在無可
奈何仍拘憲綰妻祿姐妻嚴訊憲綰妻自幼隨父任
正音玲俐庭辯激烈周院無如之何俱行釋放李朝
偉家丁馬管入城探妻因閉城不得出周院探知謂
是奸細即拿梟首妻給賞兵丁時浪子勇夫稍能拳
棒者一知即拿梟首無因而死者亦多張督視民如

彭通龍蕭志作彭通騰

敢妄行

十一月十七日分守道彭遇龍帶領福州

度蕭語謂路曰度

草芥周院視民如寇讐城中片言不敢妄語寸步不
兵五百援興化由山路而來黃昏入西門時帶來糧
米不多于度掠米穀猪雞而來猪肉買一錢一斤米
三分一筒亦濟一時之急官府令各鋪男女老幼報
上册次日每人給號布一片濶三寸長六寸上印滿
州字數字令縫在衣背上好出入行走無此者即是
奸細十九日省兵興兵出城勦賊至新溝黃墩附近
之處賊見即走百姓逃走不及新溝一鄉百餘人被
戮只在七人各兵搬搶米谷衣物甚多廿二日令百

抄存字保